

զպատերազմ, այլ թողուլ զբերդն և երթալ խաղաղութեամբ . . . ապա անմիաբանք եղեալ՝ ոչ հաստատեցաւ բանն, այլ վստահացեալ յամրութիւն իւրեանց կարծէին առնել ինչ»:

Վերի հատուածներէ կը յայտնուի որ Անգղ գեղաքաղաք էր և ծաղկոտան գաւառի մէջ ունէր ամուր բերդ, որոյ մերձականերն ևս լինելու էր հովասուն վայր, ուր ամառանոց լինէր, որ արդէն այս օր ևս ամառանոցի յարմարութիւն ունի որոյ արեւելեան բարձունքը գտնուած վայրերն:

«Անգ որ անցանէ Արածանի» «Եւ միւս կողմանէ փակեալ զգեօղն ածին ամրութիւն» խօսքերն ևս ապացոյց են Ղարղալիս Անգը լինելու, ապա թէ ոչ «ի բերդն ամուր» բառերն Շոշկայ բերդին աւելի յարմար պիտի գային:

## Շ Ո Շ Ի Կ

Ծաղկոտան գաւառի ի հարաւ արեւելեան կողմն բարձր զիրքի մի վերայ կայ Շոշիկ գիւղն, որ ունի շուրջն 5000 տան աւերակներ, Շոշկայ ջրի աջ կողմն շինուած՝ ետէն ևս բարձրացած է անմերձենալի ժայռն Շոշկայ բերդ անուամբ, ուր կը բարձրանան ժայռի միջից կոփուած նեղ անցքով:

Այս ժայռը խիստ բարձր է, գազաթի մօտ մաս մի բնական տափարակի հետ ժայռն ևս կոփելով տափարակ և մի ընդարձակ բերդ շինուած է որ խոյացած է Գարա-Քիլիսէի, Ալաշկերտի և Անդաբի վերան, զորս մի ակնթարթով կարելի է տեսնել: